

傷寒心要序

予嘗聞立身在乎擇術擇術不精學
患故術不可不慎也醫術尤甚予學
十餘年始見當世醫者曳裾談說病證以
巢扁自許及觀其所讀之書不出朱肱活
人書李雙鍾等論亦嘗試而用之或得或
失時有枘鑿再而思之加之以功復熟而
終莫曉其故一旦得鑑河間之旨要張子
知之捷徑前之所疑判然冰釋然後知古
人所謂擇術不可不慎者信哉斯言世之
醫者大抵謂河間之書皆用寒涼之藥謬
無溫暖之劑一下之外更無他策殊不知



傷寒一疾始終俱是熱證但熱有表裏微甚輕重分數用藥加減於中而消息之耳豈有寒證此說子和已辨之詳矣或者未信其說是非較然可見予非左右河間之書而指撻朱肱之疵特以人命至重臨病之際死生反掌苟有所得是以不敢自昧暇日因講究二先生方書及平昔所得秘傳之旨刪繁剔冗撮其玄妙得方一有十八集為一編名曰傷寒心要皆已試而得効者不敢私諸己與好事者共之有能得河間之心法者必知予擇術之精也歲次戊寅菊節鄒梁瑞泉野叟鑑洪序

新刊劉河間傷寒三書格後集

都梁瑞泉野叟鑑洪輯編
臨川華蓋山樵葛雖校正

傷寒心要論

夫傷寒者前三日在表法當汗 可用雙解散連進數服必愈若不解者病已傳變

後三日在裏法當下 殊不知下之太早則表裏乘

虛入裏遂成結胸虛痞懊懣斑疹發黃之証輕者必危危者必死但當以平和之藥宣散其表和解其裏病勢或有汗而未愈或無汗而愈當用日小

柴胡涼膈天水三藥合而服之
病若半在表半在裏法亦當和解
目小柴胡涼膈主之

若裏熱微者則當微下
四 大柴胡合解毒湯主之熱
勢未退 五 又以大柴胡合三一承氣下之兩除表
裏之熱病至七八日裏証已甚表熱漸微脈雖浮
數 六 則以三一承氣合解毒下之

其病胸膈滿悶或喘或嘔陽脈緊甚者 七 可用瓜蒂
散涌之

汗吐下三法之後別無異証者 八 涼膈散調之
病熱已去微熱者以 九 益元散服之無令再病此傷
寒治法之大要也

或傷風自汗脈浮緩者 一 雙解去麻黃以汗之

其病半表半裏 二 白虎湯和解之

病在裏脈沉細者無問風寒暑溫或表裏証俱不見
或內外諸邪所傷有汗無汗心腹痛滿諸語煩躁
畜熱內盛但是脈沉者並用 三 承氣合解毒下
之

或中暑自汗 四 解以白虎湯直格云夏至前為溫

夏至後為暑是以至後不用白虎宜乎局方云立
秋後不用白虎子和云若有白虎証亦不用 五
用詳審之耳

白虎解後 六 以五苓合天水調之多進數服無妨

或腹脹滿脈沉者 七 亦當承氣合解毒下之

或發汗之後熱不解脈尚浮者 **白虎加蒼朮**再

解之

或裏熱內盛陽厥極深皆因失下而成此証以致身
冷脈微昏惰將死切不得以寒藥下之誤下即死
又一輩庸醫妄言是陰厥便欲換易用玄武四逆
溫熱之劑投之下咽立死殊不知此証乃陰耗陽
竭陰氣極弱謂之耗陽厥極深謂之竭畜熱怫鬱
將欲絕者當此之証寒劑熱劑俱不可投但進涼
膈解毒 **白虎**以養陰退陽宣散畜熱脈氣漸生得
大汗而愈有無汗氣和而愈者
未愈却解毒合承氣 **白虎**下之次以解毒涼膈天水
合而為一 **白虎**調和陰陽沈滯藏府則其他別証

自不生矣

有大下之後熱不退再三下之熱愈盛若下之不愈
脈微氣虛力弱不加以法則無可生之理若輟而
不下則邪熱極盛陰氣極衰脈息斷絕必不可救
以此之証是下之亦死不下亦死醫者到此殺人
活人一彈指間其不至手足失措者幾希矣 **白虎**
云傷寒汗後汗出不解或反不汗脈尚浮 **白虎**加
蒼朮湯再解之又按餘論云傷寒下後自汗虛熱
不已 **白虎**加蒼朮人參一服如神汗止身涼此通
仙之法也如此則汗下之後熱不退不問有汗無
汗通宜 **白虎**加蒼朮解之又加人參亦妙仍服涼
膈解毒謂之

經云三下而熱不退者即死後人有四五次下加生
十數行而生者此乃偶誤中耳活者未一二死者
已千百後季切不可以為法但當依前用解毒合
涼膈調之使陽熱徐退陰脈漸生庶不失人命
若傷飲不解散成結胸之証臨時擇用 大小陷
胸湯丸累下之 脈浮者不可下是表証未出小
柴胡合小陷胸湯 投之脈雖浮而熱大極
者 承氣徐 二疎利之

或有留飲過度濕熱内生自利不止其熱未退 解毒湯治之

陽毒生斑 涼膈加當歸 拂鬱熱盛在表燥而無汗濕熱在裏不能發於外相

搏遂成發黃 茵陳湯調五苓散甚者

茵陳合承氣下之

煩心不得卧 施子湯

慎下太早遂成結胸虛痞 涼膈加枳殼桔梗

剛柔二症謔語發狂踰垣赴井皆陽熱極盛然

承氣合解毒下之

汗下之後煩渴飲水則 涼膈減桂五苓甘露益

元選而用之小便不通五苓泄之大便閉結承氣

下之更有外證加減通聖散方內隨證用藥

婦人證治皆然惟孕婦三四月并七八月不用硝其

餘月分用之無妨

小兒減劑服之

此中有古人治傷寒不傳之妙後之學者其
慎寶之

第一雙解散

防風通聖散

防風 去芦 川芎

大黃 麻黃

石膏 黃芩 去府

滑石 三兩 荆芥

右爲散每服三錢水一盞薑三片煎六分溫服

大黃芒硝麻黃三味對証旋入自利去大黃芒

硝自汗去麻黃

天水散 益元 六一

滑石 六兩 甘草 一兩

右爲末每服三錢溫蜜水調暑月冷水亦可和

解傷寒傷風發汗葱白五寸豆豉五十粒煎一
盞調四五錢并三服解利為度加薄荷尤妙
通聖合益元

右七兩和勻每服三錢水一盞半葱白五寸豆
豉五十粒姜三片煎一盞溫服

第二 小柴胡涼膈天水合服

小柴胡湯

北芪胡 三兩

黃芩

人參

半夏

生薑

甘草

大棗 一兩

右為散每服五錢

涼膈散

連翹 二兩 梔子

大黃

薄荷

黃芩 一兩 甘草

芒硝

右為散每服三錢水一盞煎七分入蜜少許竹
葉五片

第三 涼膈合小此胡

第四 大柴胡合黃連解毒湯

大柴胡湯

柴胡 香田

大黃 半兩

黃芩

白芍藥 一分

半夏 泡七次 二錢

枳實 生 三錢

右為散分三服水盞半生薑三片大棗一枚煎

半錢溫服

黃連解毒湯

黃連

黃藥

黃芩

梔子 等分

右爲散每服半兩水一錢煎五分溫服
第三承氣湯

大黃 芒硝 厚朴 枳實各半兩
甘草二兩

右到每服二錢半水一大錢姜三片煎六分入
硝再煎一二沸熱服

第六承氣合解毒湯
第七瓜蒂散

瓜蒂 赤小豆等分

右爲末且豉湯調下一錢未吐再服
第八瓜蒂散

第九益元散

風

第十雙解散

第十一白虎湯

知母 兩半 甘草 一兩 粳米 一合 石膏 四兩

右到每服五錢水一錢煎六分溫服

第十二承氣合解毒湯

暑

第十三白虎湯

第十四五苓散合吳天水散

五苓散

猪苓 茯苓 去麩官桂 一分 澤瀉 一兩

白朮二錢 活人書三分宜明論半錢

右細末

第十五 承氣合解毒湯

第十六 白虎湯加蒼朮

第十七 涼膈合解毒湯

第十八 解毒合承氣湯

第十九 解毒涼膈天水合

結胸

第二十 大小陷胸湯丸

大陷胸湯

大黃 芒硝三錢 甘草三字古

右剉四錢水一錢煎大黃六分內消再煎一二

沸內甘遂溫服未利再與

小陷胸湯

半夏四錢 生姜切 黃連二錢 栝婁實半錢

右剉水三盞煎栝婁實盡半內藥煎至一盞分

作兩服

大陷胸丸

大黃半兩 亭歷二錢微炒

芒硝一錢 杏仁十二枚去皮尖棄灰炒變色

右大黃為末研亭歷杏仁為膏圓如彈子大甘

遂末三字蜜半匙水一錢煎半盞溫服一九一

宿乃下未利再與

第二十一 小茈胡合小陷胸湯

第二十七 承氣湯

大黃 錦紋者

芒硝 朴肖有芒頭者

厚朴 去皺枳實 各半兩

右剉如麻豆大分一半用水一盞半生薑三片

煎至六分納消煎一二沸絞去滓熱服

第二十八 解毒湯

發斑

第二十四 涼膈散加當歸

發黃

第二十五 茵陳湯調五苓散

茵陳湯

茵陳 一兩 大黃 半兩 枳子 十枚

右剉水二盞煎一盞溫服利為度

第二十六 茵陳合承氣

煩心不睡

第二十七 枳子鼓湯

枳子 七箇剉

豆豉 二合

右水二盞先煮枳子盞半內豉煮半盞

第二十八 五苓空腸煎涼膈加桔梗枳殼

剛柔二症

第二十九 承氣合解毒湯

汗後煩渴

第三十 涼膈減桂 五苓 甘露 益元

甘露飲

茯苓

澤瀉

甘草

石膏

寒水石二兩

白朮

桂枝

猪苓半兩滑石四兩

右為末每服三錢湯調或新汲水姜湯尤妙

右共十八方如無大承氣係第五三一承氣代之

亦妙通三十九件藥味調理傷寒由尺其妙百發

百中後之幸者詳辨脉證審而用之起沉痾於反

掌策奇功以活人方知其妙也

新增病後四方

小半夏湯治汗下後嘔吐不已

半夏五兩赤茯苓三兩

右剉每服半兩水三錢煎至一盞投姜汁更煎

一二沸

五味子湯治汗下後氣閉咳嗽

五味子半兩

麥門冬 人參

杏仁

陳皮

生姜一錢棗子二枚

石剉每服二錢水二錢煎一盞作二服

大橘皮湯治汗後胃虛

陳皮

甘草一兩 人參一兩

右剉每五錢水一盞半姜二片煎至一盞溫服

赤茯苓湯治胸膈病悶頭痛已得汗者

陳皮

甘草

人參

半夏

川芎

白朮等分

右剉每服五錢水一盞半姜三片煎一盞溫服

傷寒心要餘論

五藏六府應五運六氣凡病微則當其本化甚則兼其鬼賊之化亢則害承乃制微則是其本經本藏之本化造化之化也病甚則如金衰不能制木木則生火木火者皆陽也故風火多兼化則風於相搏賊其金也

藏府之氣應乎三陰三陽實則行乎本化之氣瀉之衰則行其勝已之氣瀉之是為殺其鬼賊也

如諸陽畜熱以涼膈合解毒服之解散極熱
如瀉火熱解毒調胃承氣是也
如吐法用二仙散

如調理傷寒白虎涼膈合服解之

傷寒三日以裏達進双解如無汗必是傳變待三四

日之間以小茈胡解表裏之熱仍開服白虎涼膈

蘊熱七八日之間欲下而表證猶在以大承氣湯

大茈胡湯雙行并煎攻裏發表取為穩當若是溫

熱內甚自利者止涼膈却進解毒間白虎服之或

惡心乾嘔吐者白虎大作一劑調解毒末五錢服

之即止大小便不通并有腹痛不能忍者以無灰

酒煎朴消三兩熱服即愈亦按從治之法也熱中

伏寒下之矣或大承氣湯加木香瀉之尤妙

傷寒失下始病時又誤服麻黃熱劑太甚必致熱極

或有陽厥極深身冷脈微陽極以陰之證庸醫以

為陰證是也須當急救其陰以白虎涼膈日進三

服脈氣漸生身體漸溫然後以大承氣下之夫大

承氣救急之妙劑如咽膈性逆不利當令熱服開

其鬱結利而即愈也

如傷寒汗下之後自汗虛熱不止於白虎湯加人參

蒼朮一服如神汗止身涼此法至妙不容詳及

如赤白痢先服黃連阿膠丸次服解毒湯

傷寒瘡瘍破傷風与傷寒治法一同但以雙解

涼膈 白虎 承氣 臨時斟酌用之 雙解

孕婦臨月可服益元涼胎產後仍服如血不盡則以

涼膈与四物合煎調理惡血甚者大承氣合四物

乃瀉中有補也

涼膈同四物名玉燭散真大產後之妙劑

涼膈四物合大承氣湯名三和湯

大承氣合四物治婦人一切血積血聚等疾加紅花

尤妙

初生小兒五七日有執證不得已只以益元散時之

灌之

如小兒夜啼用涼膈調之肚飢臨睡服

凡瘡瘍癰疹涼膈加當歸治之

新刊劉河間傷寒直格後集

新刊劉河間傷寒直格續集

甲 陽 馬 宗素 撰述
臨 川 葛 離 校正

傷寒醫鑿

夫道有遭世而興事有遇時而顯此古今之常理出於自然者也且謂儒書衰滅以後邪說蜂起以淆亂六經之道紅紫亂朱無以折衷孝武皇帝幸用後漢罷黜百家之非而六經之道始明自漢而降註述繁蕪醫書尤甚况醫乃人之司命所係尤重殆非小智所能及也惟昔黃帝岐伯難疑答問上窮天道下極

地理中盡人性垂法萬世以爲生民之壽域是以名曰素問於是守真劉先生恐斯文將墜于地民罹被夭於是分天地陰陽剛柔消長之理察人生風氣血脈寒熱之宜逐一疑一篇無不引素問先標受病之本源所處方用藥注書有四焉一者明天地之造化論運化之盛衰日之曰要旨論一部計三萬六千七百五十三字一者分君臣之佐使定奇耦之逆從又依宣明論一部計八千九百令三字一者又註傷寒六經傳受直格一部計一萬令七千九百字又取至真要論一篇病機氣宜之說著女機原病式一帙計二萬餘言又先生漏世之後恐庸醫臆不知樞要於宣明論內又集緊切藥方六十道分爲六門亦名直格通

計八萬餘言可謂勤矣守真曰自昔以來惟仲景註述遺文立傷寒九十七法合一百一十二方而後學者莫能宗之謂如人病傷風則用桂枝解肌傷寒則用麻黃發汗傷風反用麻黃則致強項柔痙傷寒反用桂枝則作驚狂發斑或誤服此二藥則必死矣故仲景曰桂枝下咽陽盛則斃承氣入胃陰盛則亡是也守真爲此慮恐麻黃桂枝之誤遂屢變解散無問傷風傷寒內外諸邪皆能治療從下證錯汗者亦不爲害如此輩誤人之弊已不少矣仲景題大承氣湯小承氣湯調胃承氣湯亦各有所宜熱勢大者大承氣主之微者小承氣主之胃中有痛大便溏者調胃承氣主之守真又恐承氣有三恐有過焉不及之患

遂處三一承氣以摠之又慮仲景所註之書文深義
奧淺幸難通遂爰其枝蔓撮其根本十去七八將三
百九十七法一百一十二方制三十二藥而摠之使
人易於檢閱一見此書對影見形了無障碍得之對
證用藥人可自療况醫家者流業此者乎兼仲景除
傷寒之外亦無雜病之論是已備於仲景書也故守
真首論傷寒之差謬故一切內外雜傷俱有受汗之
病名曰執病通謂之傷寒今春溫夏熱秋涼冬寒是
隨四時天氣所感輕重及主療消息不等合而言之
則一也冬伏寒邪藏於肌肉之間至春變為溫病夏
變為暑病秋變為濕病冬變為正傷寒冬冒其氣而
內生怫熱微而不病者以至將來陽熱變動或又感

之而成執病也經曰冬傷於寒春必病溫亦其義也
然有陰證者止為雜病終不為汗病由是傷寒汗病
直言熱病不言其有寒也三陰證者邪熱在藏裏以
藏為裏為陰當下者是也素問三篇刺熱評熱兼雜
病論熱不說其寒非无謂者也熱論之外素問更無
說傷寒之証熱論云熱病者皆傷寒之類也又云人
之傷於寒也則為熱病注云寒者冬氣也冬時嚴寒
萬類深藏固密不傷於寒觸冒之者名曰傷寒傷於
四時之氣皆能病以傷寒為毒者最為殺厲之氣中
而即病名曰傷寒不即病者寒毒藏於肌膚間久而
不去變為病熱故曰熱病者傷寒之類也古聖訓陰
陽為表裏此一經大節目惟仲景深得其旨越厥後

朱肱編活人書將陰陽二字釋作寒熱此差之甚也
中間誤懼天橫嗟之何及素問言人之藏府陰陽藏
者爲陰府者爲陽又四時陰陽盡有經記內外之應
皆表裏其信然乎六合爲十二經脈之合大陰陽明
爲一合厥陰少陽爲一合少陰太陽爲一合手足之
脈是謂六合表裏者諸陽脈皆爲表諸陰脈皆爲裏
以此驗之是守真之言不誣矣然恐俗醫不悟朱肱
活人書之謬且略率傷寒六經傳受一端而明之肱
書云傷寒中病時腠理寒便入陰經脈不微細不經
三陽也三陰中寒微則下理中湯稍厥或下利即乾
姜甘草湯若陰毒已深病勢困重六脈附骨取之方
有按之則无於臍中用葱熨法或多灸三五百壯以

來手足不溫者不可治也守真曰前三日三陽病在
表故當汗之後三日三陰病在裏故當下之六經傳
受皆是執證非有陰寒之病也素問云傷寒未滿三
日者可汗而已其滿三日者可泄而已由此言之守
真之說正合素問肱書失之遠矣又如身冷脈微陽
厥極深一證肱書云病人身冷脈沉細而疾或時鄭
声指甲面色青黑陰毒已深若服涼藥則渴轉其躁
轉急須急服辛熱之藥如得手足溫更服前熱藥助
之若陰氣散陽氣來即漸減熱藥而調之守真曰傷
寒下後熱不退畜熱在內陽厥極深以至陽氣怫鬱
不能營運於身表四肢以至徧身清冷若急下之殘
陰暴絕陽氣後竭而立死不下亦死此際當以涼膈

散或解毒養陰退陽但欲畜熱漸散則心胸復暖脉
自漸生至於脉復有力方可三一承氣湯下之守真
復慮熱有兩感說復以素問證之曰亢則害承乃制
此則正謂陽厥極深不能營運於四肢以至身冷脉
微也此略率一二端耳餘者之謬自可觸類夫脉書
暴於當世亦一代之名醫其誤謬猶若是况其餘碎
雜不經之說何可尽信至論小兒如閻孝忠曰凡小
兒瘡疹當乳母慎口不可令飢及受風冷歸腎變黑
而難治春秋病爲順秋冬病爲逆冬月腎旺盛寒多
歸腎變黑若妄下之則內虛多歸於腎此則直以瘡
疹爲寒守真云閻孝忠不詳錢氏本方班疹黑陷牛
李膏百祥丸寒藥下之多獲痊不救必死爲熱豈不

明哉經云諸痛癢瘡瘍皆屬心火及班疹黑陷無不
腹滿喘急小便赤澀不通豈非熱極使然耶此閻孝
忠所以失錢氏之意也守真如此分別可謂醫者之
龜鑑也李者當詳其說無非謂傷寒有陰毒之證便
投姜附之藥使實以虛之損不足益有餘以此誤人
不亦冤哉每觀平城程公序曰譬若宵行冥之迷路
不知其往遇明燈炬火正路昭然此醫鑑之所作也
然世俗惡寒好熱蓋亦有說守真云病勢輕微以熱
藥強劫開發誤中而獲効者有矣如中酒有熱毒而
復飲熱酒以投之令人鬱結得開而氣液宣通此謂以
熱治熱亦有痊者世俗惑於病輕而易痊謂大疾亦
然殊不知不中則反爲害也熱病以熱藥治之者

如驕主得使臣縱恣禍及滅亡更不責使臣之惡惟其同好之可樂使熱勢轉甚以至陽厥身冷厥微反陽爲陰雖死不悟至於諸熱變證十損八九莫不皆然也如下利不止發熱在裏若使火艾熨烙無不悅者也此世俗好寒惡熱所以滋虛書之失也又守真云病勢熱甚而依法治之不退者或失寒涼或因失下或熨烙薰灸使熱極而妄爲陽厥切不可用銀粉巴豆性熱大毒熱燥九藥下之反耗損陰氣而衰竭津液使熱勢轉甚而懊懷喘滿結胃腹痛下利不止血溢血泄或爲淋閉驚狂謔妄熱證蜂起不可勝率由此爲癘癘堅積之疾誤人必多然則世情亦不知醫者之過未盡究守真之奇効嘗聞守真之言曰正

治者以寒治熱以熱治寒病證輕微可如此治之若病重危則當從反治之法其反治者亦名從治蓋藥氣從順於病氣也是故以熱治熱以寒治寒是謂反治以熱治熱者非謂病氣熱甚而更以熱性之藥治之本謂寒性之藥反佐而服之蓋謂病氣熱甚藥氣寒甚拒其藥寒則寒攻不入寒熱交爭則其病轉加也故用寒藥反熱佐而服之令藥氣與病氣不相忤其藥本寒熱服下咽之後熱味既消寒性乃發由是病氣隨愈餘皆倣此然正治之法猶君刑臣過逆其臣性而刑之故病熱不甚治之以寒逆其病氣而病自愈矣反治之法猶臣諫君非順其君性而以悅之其始則從其終則逆可以諫君去其邪而歸於正王

冰曰病水猶救人火火得草則病得木則燔得水而滅病火猶救龍火然得濕而燭得木而燔以人火不繞逐之則其火自滅耳此謂良醫之治法也夫逆治從治皆是違性之藥病人豈有不惡者是藥病相爭其氣所以得固也然十救其十亦不為醫之功以謂人之有命也如身冷脈微終不省畜熱在內設以涼膈解毒之藥調治無有不惡又如患形不至有經年終不曉痰熱在裏設以承氣寒藥下之無有不畏雖得痊愈尚不免於畏惡病勢大藥力小而致死者亦不知杯水救車薪之火為非只指為用涼藥之過此二者無他存於世人是非不分而惡寒好熱也

論脈證

活人書陰毒脈疾七至八至以上疾不可數者正是陰毒已深也六脈沈細而疾尺部斷小寸口脈或大若誤服涼藥則渴轉急有此之證者便急服辛熱之藥一日或二日便安若陰毒漸深其候沉重四肢逆冷腹痛轉甚或咽喉不利心下脹滿結硬燥渴虛汗不止六脈但沉細而疾一息七至以來有此證者速於氣海關元二穴灸三二百壯以手足和緩為効仍兼服正陽散

守真云然既脈疾至七至八以上疾不可數者正是陽熱極甚之脈也世俗妄傳陰毒諸證以素問驗之皆陽熱亢極之證但熱畜於內在裏極深身表似其陰寒者也及夫經云亢則害承乃制也謂五行之道

實其則過極則反似尅其已者也是謂兼化如萬物
熱極而反出水液以火煉金熱極而反化爲水是以
火極而似水化也

素問脉要精微論長則氣治短則氣病數則心煩大
則病進註曰致急則熱故煩心也又云節藏象論人

迎一盛病在少陽二盛病在太陽三盛病在陽明四
盛病已上爲格陽註云謂人迎脉大於寸口一倍余

盛同法又云俱盛謂大於平常之脉四倍也四倍以
上爲闕格之脉人羸不能極於天地之精氣則死矣

論六經傳受

活人書太陰少陰厥陰皆屬陰證也少陰者腎也厥
陰者肝也太陰者脾也何謂太陰太陰者脾之經主

胸膈膜脹何謂少陰少陰者腎之經主脉微細主心
煩但欲寐或自利而渴者何也謂中病時腠理寒便
入於陰經不經三陽也蓋氣入於大腸則發熱而惡寒
入於少陰只惡寒而不發熱也三陰中寒微則理中
湯稍厥或中寒下利即乾薑甘草大段重者四逆湯
無脉者通脉四逆湯何謂厥陰者肝之經也厥陰之
爲主主消渴氣上衝心中痛熱飢不欲食食則吐衄
下之利不止也若陰氣獨盛陽氣暴絕則爲陰毒其
證四肢逆冷腹臍疼痛身如被杖脉沉疾或吐或利
當急灸臍下服以辛熱之藥令陽復而大汗矣
守真曰人之傷寒則爲熱病古今一同通謂之傷寒
病前三日巨陽陽明少陽受之熱在於表汗之則愈

後三日太陰少陰厥陰受之熱傳於裏下之則愈六
經傳受由淺至深皆是熱證非有陰寒之證古聖訓
陰陽為表裏惟仲景深得其意厥後朱肱編活人書
特失仲景本意將陰陽二字釋作寒熱此差之毫釐
失之千里矣

素問熱論云黃帝問曰夫熱病者皆傷寒之類也或
愈或死皆以六七日之間其愈以十日以上者何不
知其解願聞其故岐伯曰巨陽者諸陽之屬也其脉
連於風府故諸陽主氣也人之傷寒也則為病熱熱
雖甚不死其兩感於寒而病必不能免於死矣帝曰
願聞其狀岐伯曰傷寒一日巨陽受之故頭項痛腰
背強二日陽明受之陽明主肌肉其脉夾鼻絡於目

故身熱目痛鼻乾不得卧也三日少陽受之少陽主
膽其脉循脇絡於目故胸脇痛而耳聾三陽經絡皆
受其病而未入於藏故可汗而已四日太陰受之太
陰脉布胃中絡於嗌故腹滿而嗌乾故五日少陰受
之少陰脉貫腎絡於肺系於舌本故口燥舌乾而渴
六日厥陰受之脉循陰器而絡於肝故煩滿而囊縮
三陰三陽五藏六府皆受病榮衛不行五藏不通則
死矣其不兩感於寒者七日巨陽病衰頭痛少愈八
日陽明病衰身熱少愈九日少陽病衰耳聾微聞十
日太陰病衰腹滿如故則思飲食十一日少陰病衰
渴止不滿舌乾已而嚏十二日厥陰病衰囊縮小腹
微下大氣皆去病日已矣帝曰治之奈何岐伯曰治

之各通其藏脉病日衰矣未滿三日可汗而已其滿三日可下而已

論汗下

活人書云陽明證宜下少陰證宜溫又云少陰病一二日口中和其背惡寒者宜著艾并四逆湯又云三陽證宜下三陰證宜溫少陰病發熱脈沉麻黃附子湯主之少陰證二三日常見少陰證無陽者宜麻黃附子皆陰證表裏也又云發熱而惡寒者發於陽也麻黃桂枝湯主之

守真云夫辨傷寒陰陽之理者邪熱在表府病爲陽邪熱在裏藏病爲陰世俗妄謂有寒熱陰陽之異誤之久矣寒病固有然非汗病之謂也止爲雜病不可與汗病同科且造化爲汗液之氣者乃陽氣之氣非陰寒之所能也觀萬物熱極而反出水液明可知也况法曰身熱爲熱在表飲水爲熱在裏其傷寒病本末身涼不渴及小便不黃脉不數者未之有也雖仲景有四逆湯證表熱裏和誤以寒藥下之太早表熱未入於裏二寒下利不止及表熱裏寒自利急以四逆湯溫裏利止裏和者急於解表也故仲景四逆湯證後復有承氣湯寒藥下熱之說由是傷寒汗病經直言熱而不言其有寒也經言二陽證者邪熱在裏在裏以藏爲裏爲陰當下熱者是也按素問論傷寒熱病三篇皆名曰熱竟無寒說兼以靈樞諸經運氣造化之說推之則明爲熱病誠非寒也

素問熱論云帝曰治之奈何岐伯曰治之各通其藏
脉病日衰已矣其未滿三日可汗而已其滿三日可
泄而已此言表裏之大脉也註曰正理傷寒論脉大
浮數病在表可發其汗脉沈細數病在裏可下之由
此雖日數過多但有表証而脉浮數猶宜發汗日數
雖少即有裏証猶宜下之正應脉証而汗下之也

論陽厥極深

活人書云傷寒陰盛隔陽病人身冷脉細沉疾煩躁
而不飲水者又云大抵陰毒本因腎氣虛寒或因冷
物傷脾外感風寒則陽氣不守遂發頭痛腰痛重腹痛
眼睛疼身軀倦怠四肢逆冷汗不止或多煩渴精神
恍惚若誤服涼藥則渴轉甚躁轉急有此病者便須
急服辛熱之藥或時邪毒指印面色青黑若陰毒已
深病熱困重六脉附骨取之則有按之即無但於臍
中用葱熨法或者艾三百壯以來手足不溫者不可
治也

守真云或下後熱不退或畜熱內甚陽厥極深以至
陽氣拂鬱不能營運於身表四肢以致遍身清冷痛
甚不堪項背拘急目睛赤痛昏眩恍惚咽乾或痛燥
渴虛汗嘔吐下利腹滿實痛煩冤悶亂喘急邪毒以
其畜熱極深而脉道不利以脉沉細欲絕者冷未明
其造化之理而反傳為陰毒或失下熱極以至身冷
脉微而昏冒將死若急下之則殘陰暴絕陽氣後竭
而立死不下亦死病人至此命懸頃刻然則治法當

何如曰此當涼膈散或黃連解毒湯養陰退陽但欲
畜熱漸二宜散則心胸腹煖脉漸以生至於脉復有
力可以三一承氣湯微下之或解毒加大承氣湯尤
良俗未明此故認作陰證是以陰陽失其治也
素問五運行大論岐伯曰氣有餘則制已所勝而侮
所不勝不及則已所不勝侮而乘之已所勝輕而侮
之木餘則制土輕侮於金氣不爭故木恃其餘而欺
侮也又木少金勝土反傷木以木不及妄凌之也四
氣本同侮謂侮慢也而凌忽之也又云以火煉金熱
極反化爲水又云亢則害承乃制

論燥濕發黃

活人書云一身及痛發熱身黃小便不利大便反快

者此名中濕風雨襲虛山澤蒸氣人多中濕二留關
節頌身體煩痛其脉沉緩內中濕也主一身及痛發
熱身黃小便不利又云以寒濕在表不解爲不可下
也可以木附湯主之

守真云發黃者陽明裏熱極其煩渴熱鬱留飲不散
以濕熱相搏而體發黃也或言寒濕搏而發黃者色
及苔膏也本傷寒失下或誤汗之溫之灸之或
服銀粉巴豆大毒熱藥下之反以亡液損其陰氣邪
熱轉其或下太早熱入以成結胸但發黃者或失下
寒涼調治或熱極本惡雖按法治之而不能退其熱
勢之甚者或下後熱不退皆能寫發黃也大抵本因
熱鬱極甚者留飲不散濕熱相搏而以木附湯主之

誤矣

素問平人氣象論云食已如飢者胃疸則是胃熱也熱則消穀食已如飢目黃者疸陽熇於上熱積胸中陽氣燔上故目黃也

素問通評虛實論云足之三陽從頭走心入腹逆而不下以致熇積於上焦故為黃疸

論不得眠

活人書云下後復發汗晝日煩躁不得眠夜而安靜不嘔不渴无表證脉沉微身無大熱者乾薑附子湯主之

守真云夫傷寒病懊憹煩心反復顛倒不得眠者燥熱熇鬱於內而氣液不得宣通也以梔子豉湯主之

素問刺熱篇云肝熱甚小便先黃腹痛多卧身熱心靜則狂言及驚脇兩痛手足躁不得眠也

論嘔吐

活人書云無陽則厥無陰則嘔却言少陰下利脉微者与白通湯利不止厥逆無脉乾嘔者白通加猪膽汁湯主之又云膈上有寒痰乾嘔者不可吐各温之宜四逆湯主之

守真云嘔者火氣炎上之象也故胃熱甚則嘔也又云吐酸肝木之味也由火克金不能平木肝木自甚故為酸也則如飲食則喜酸也或言酸為寒者則如酒性苦性熱養于心火故飲之則令人色赤氣蒸脉洪大而數語澁謔妄歌唱然笑喜怒如狂胃脉健

志煩渴嘔吐皆熱證也其吐必酸宿熱可明矣
素問至真要大論云諸吐酸暴注下迫皆屬於熱注
云內格嘔逆噎食不得入是火也

論濕熱下利

活人書云傷寒下利多種須辨陰陽勿令差互大抵
傷寒下利多種須看脈舌外證下利脈大者虛也脈
微弱者為自止寒毒入胃臍下必寒腹脹滿大便黃
白或青或黑或下利清穀濕毒氣甚則下利腹痛大
便如膿血或如爛肉汁也得之寒毒入胃四逆理中
湯白通湯加附子四逆湯等若濕毒下膿血者桃花
湯地榆散主之
守真云下利膿血者如世之穀肉果菜濕熱甚則自

秋腐爛潰發化為水故食於腹中感人濕熱邪氣則
自然化為膿血水其熱為赤熱屬心火故也其濕為
黃濕屬脾土故也燥鬱為白屬於肺金故也濕熱甚
於腸胃拂熱結也濕主於否以氣逆不能宣通因而
已成腸胃之燥也濕熱相兼蓋水火陰陽寒熱猶權
衡也一高則一下一興則一衰豈能寒熱俱盛於腸
中而同為利者乎若此之謬世傳多矣則如熱生瘡
瘍素問大奇病論云腸辟下血少為陰氣不足搏為
陽氣乘之熱在下焦故下面血也

素問陰陽別論云陰結者便血一升陰主血故也再
結二升二結三升註云二盛謂之再結三盛謂之三結
素問至真要大論釋云大熱內結注世不止熱且寒

瘵結腹須除以寒下之結散利止則通因通用也

論霍亂

活人書曰霍亂嘔吐而利熱多而渴寒多而不飢理中丸主之吐利汗出發熱惡寒四肢拘急手足厥冷四逆湯主之吐利已汗出而厥四肢拘急不解脈微欲絕者通脈四逆湯猪膽汁湯主之錢氏吐瀉問難廣親七大尉七歲病吐瀉是時七月其証全不食而昏睡晝夜而悶此是氣乾嘔大便秘或有或無不渴最醫以薑湯治之疑睡故也錢氏曰先補脾後瀉瀉石黃湯次日又以水銀硫黃末之生薑水調一字入月十五已後吐瀉身冷無陽也不能乳乾嘔瀉清稀水當補脾益黃散主之不可下

守真云吐下霍亂二焦為水穀傳化道路熱甚則傳化失常而吐瀉霍亂火性燥動故也或云熱無吐瀉只是寒此說誤也

素問至真要大論云諸病喘嘔吐酸暴注下迫轉筋小便渾濁腹脹大如鼓有聲如鼓癰疽瘡疹瘤氣結核吐下霍亂皆屬於火

論好用寒藥

活人書云傷寒論家方論不一獨伊尹仲景之書猶六經也其餘諸子百家時有一得要之不可為法尤有好涼藥者附子硫黃咲而不喜用雖隆冬使人服三黃丸之類又有好熱藥者如大黃芒硝則畏而不敢用雖盛暑勸人多灸病服金液之類非不知罪福蓋

緣偏見所趨然也又云近時用小柴胡湯不問陰陽
表裏凡傷寒之家皆令服此藥蓋不可輕用雖不若
大柴胡湯小承氣之緊要之藥病不相當其爲害也
同往二服小柴胡湯而成陰証者甚多矣又云陰毒
傷寒心神煩躁頭痛四肢逆冷返陰丹主之此方其
驗喘促嘔逆者入口便住若加小腸不通反陰囊縮
入小腹絞痛欲死臍下二寸多仍与返陰丹當歸四
逆加吳茱萸更生薑湯慎勿与尋常利小便之藥尋常
利小便之藥者多是冷滑藥此陰毒氣在小腹所致
也

守真云大凡治病必先知此寒暑燥濕風火六氣取
爲要也故曰其治病之法以寒治熱以熱治寒以清
治溫以濕治燥乃正治之法也又云逆治所謂藥氣
逆病之氣也其病輕微則當如此治其病重當從反
治之法其反治者亦各從治所謂從順於病之氣也
是故經曰以熱治熱以寒治寒然以熱治熱非謂病
氣熱甚更以熱性之藥治之本是寒性之藥反熱佐
而服之所謂病氣熱甚藥氣反寒病熱極甚而拒其
藥寒寒攻不入寒熱交爭則其病轉加也故用寒藥
反熱佐而服之令藥氣与病不相違忤其藥性寒熱
服下咽之後熱体既消寒性乃發由是病氣隨愈其
餘皆倣此然正治之法猶若刑臣過逆其臣性而刑
之矣故熱病不甚治之以寒逆其病氣而病自除矣
反治之法猶臣諫君非順其君性而以說之其始則

從其終則逆可以諫君去其邪而歸於正也
素問至真要大論云寒者熱之熱者寒之從者逆之
順者從之主冰註云病微猶採人火得草而燔得木
而燔可以水滅之故逆其性氣而折之病氣微而攻
之以寒病甚猶救龍火得溫而燔遇水而燔不知其
性以水折之以溫攻之適足以光燔詎天物窮方止
矣識其性者反常之理以人火逐之則燔灼自消矣
光撲滅然逆之謂以寒攻熱以熱攻寒從之謂熱雜
入從其性用不必皆同是以下又曰逆者正治從者
反治從少從多觀其事也此之謂乎

論小兒瘡疹

活人書云小兒瘡疹多傷寒相類頭痛身熱足冷脈

數疑似之間只與升麻解肌兼治瘡疹子已發未發皆
可服但不可下瘡疹發熱在表尤不可轉瀉世人不
察乃云初竟以藥利之宜其毒也誤矣又云疹豆已
出不可踈轉出得已定或膿血太甚却用踈利亦非
也大抵瘡疹首尾不可下小兒身熱耳尻冷咳嗽轉
用利藥即毒氣入內殺人

錢氏云瘡疹始出之時五藏証見惟腎無候但見平
証耳骹冷耳涼是也論瘡疹骹耳俱屬腎其居北方
主冷也若瘡黑陷耳骹反熱者為逆是也若用牛李
膏百祥丸各三服不愈者死病此瘡疹當乳母慎口
不可令飢受風冷必歸於腎亦變黑難治也有大熱利
小便有小熱宜解毒若黑紫乾陷者百祥丸下之不

黑者慎勿下更時月輕重故春夏爲順秋冬爲逆冬
月腎旺又盛寒病多歸腎變黑者無問何時十難瘡
一又曰瘡疹始出未有他証不可下也但當用平和
之藥類與乳食不受風冷耳如瘡疹三日不出不快
者即微發之微發不出即加藥發之加藥不出即大
發之後不多若及脉平無証者即瘡疹稀少不可更
發也腎旺盛脾土不尅水故脾虛寒戰則難治矣所
以百祥丸者瀉膀胱之腑腑若不實臟自不盛也何
以不瀉腎曰腎主虛不受瀉故二服不效反加寒而
死矣

守真云小兒班疹未出誤以熱藥汗致陽氣轉甚則
重密出不快多致黑陷而死恐是班疹未敢服藥以

誤小兒謂病多矣亦不知古人留涼瀉之藥通治驚
風積熱設是班疹使熱稍退而稀少出快得痊除愈
也若用涼膈散爲妙耳醫家忠集小兒論未達錢氏
本意不明造化之理及妄言黑陷爲寒及云班疹終
始不可服涼瀉之藥後人因之反致熱甚黑陷而死
者聞公豈不詳錢氏本方治班疹黑陷者牛李膏百
祥丸寒藥利之而多獲痊可不救必死爲熱豈不明
哉夫班疹黑陷者無不腹滿喘急而小便赤澀不通
豈非熱極者也豈能反爲寒邪
素問云諸痛痒瘡瘍皆屬心火

癸丑歲仲
冬陳氏刊

新刊張子和心鏡卷之三

新刊張子和心鏡卷之三

直格別集

門人鎮陽常惠仲明編

傷寒

傷寒論雙解散

守真制雙解散通聖益元各七八分入生姜葱白煎
解揚寒三二日間以其初竟亦傷寒疑似之間解表
恐傷於內然攻裏恐傷於表故制雙解以其表裏齊
見俱解甚為得法然間有不解猶未盡善也予和增
作吐法亦用前藥煎一椀令飲其半探引出風痰次
服一半仍用酸辣湯投下使近火衣被覆蓋汗出則

解八九分矣此法子得之規繩之入世所未知也

論發汗

世人只知桂枝麻黃發汗獨不知涼藥能汗大有盡善者熱藥汗不出者反益病涼藥發之百无一損素問云辛甘發散為陽白粥配葱食之便能發汗益元加薄荷亦能發汗承氣用姜棗煎以辛甘發散之意守真雙解子和演為吐法豈非涼藥亦能發汗也

論攻裏

攻裏之藥當用寒涼世人畏之是不知藥隨病而俱出何曾留于中乎桂枝下咽陽盛則斃承氣入胃陰盛乃亡此語惑人久矣鮮有解者因有知幾窮理偶於守真醫書注中稍見其意此陽實陰實陽實發散

陰實宜泄不同實謂不受病也陰實本不受病何用承氣宜泄反之則有斃亡之失也此二句蓋謂傷寒之說也

論攻裏發表

素問云攻裏不遠寒發表不遠熱皆玄子云世人直疑攻裏合用寒藥發表合用熱藥似是而非也蓋攻裏不遠寒是不遠司氣之寒雖嚴凝盛寒之際若合攻裏不可畏天寒而不用寒藥發表不遠熱者是不遠司氣之熱雖流金燄石炎蒸盛暑合用發表之藥不可畏暑而不用熱藥此不遠寒熱之理也

擇衣撮空何藏所主

擇衣撮空許學士說作肝熱風溼未疾故手為擇衣

揆空此論雖當莫若斷之為肺熱以為愈矣其人必
讖語妄言經曰肺熱必為讖語兼上焦有病肺必主
之手經者上焦也二者皆當其理果何如哉天地為
体用肺為体肝為用也肝主諸血者陰物也此靜体
何以自動蓋肺主氣之所鼓動故靜得動一說肝之
用者一說肺之用者此天地互為体用二者俱為當
也是知肝藏血自寅至申行陽二十五度諸陽用事
氣為肝所使肺主氣自申至辰行陰二十五度諸陰
用事肺為肝所用

傷寒只傳足經不傳手經論

傷寒只傳足六經仲景本論元說古今亦無言者推
龐安常謂主生故太陽水傳足太陰土傳足少陰

水二傳足厥陰木傳足少陰火傳足太陰土傳足少陰

陰陽雜合論云太陽水傳足少陰火傳足太陰土傳足少陰

起於竅陰名陰中之少陰也於隱白名曰陰中之陽少陽

中之太陰少陰起於湧泉名陰中之少陰厥陰起於大敦名曰陰中之厥陰其次序正與此合大

傷寒始因中風得之於陰是以正傳足經者陰中之

阻三中之陰也又以六氣考之厥陰為初之少陰為二之太陰為三之厥陰為四之少陽為五之氣陽明為五

傷寒為病逆而非順亢則害假令水為母木為子時冬令氣在即水亢

也水既亢極則木令不至矣木者繼冬而承水也水既亢則害其所承矣所以木無權則無所制土二既旺則水受制噫夫人必自侮然後人侮之旨哉木焉春之令也水受土制熱尅其寒變而為溫者春無其權也假令火為母土為子當長夏之時暄令猶在即火亢也火既亢極則濕令不至矣濕者季夏之令也火既亢則害其所承矣所以土無權也濕無權則以制水二既旺則火乃不受制也火者嚴凝之令也火受水制尅其熱也變而為溫者秋之令也二說南北二證濕令溫令皆在中央也

新刊太醫張子心鏡

卷之三

五言